

## **Afirk têmsa sarà sebre, ninsala, la têmsa nimbuida yel-segdà, sên kêed ne Afirk pagba soog-m-menga**

Sên lebga a sebra ne moore : A Adama Zak SIBALO

B sên maan sarda ne taaba la woto :

**Gom-gulg a 1 soaba** : a biligri

### **Gom-gulg a 2 soaba: Zêngre sên kêed ne pagba wèèngê menesgo**

1. Têmsa taoor dâmba na n kêesa noya, tênga têng-kugri pûga, n ning noyâ na-kêndr tà zemse, n zab ne neb nins sên maandzêngr tùùma ne pagba, a nemsa buud fâa pûse. Rê yînga, têmsâ taoor dâmb na n yâka yam n tùme:
  - a) N gûls noyâ tênga têng-kugri pûga, sulla, kâdemis la dîna tùùmâ fâa pûse, b sâ n nan pa gûlse, pagba la raopa sên zem taaba na-kêndre sên ya a soaba, la b ninga a na-kêndre.
  - b) N sak n yâk yam n ning noor ninsa fâa bâmb sên dàka a na-kêndre, la b naag sarà sên maandzabd la sàbgr pagba zêngr nemsa buud fâa, la wêensa maanega pagba zutu, sên wat ne laafâ kaoolgo, la pagba kôn tol n paam n yâ neer b vâàmâ pûs yînga.
  - c) La b ning pagba zu-loees bâmb politika yam yâkr tùùm yôgneg pûsê, sarà wâ pûga, bâmba sên gâneg tùùm ninsa n na n maan tà tênga paam yidgri fâa pûse,
  - d) N dàk sôngr sagelese, la sàbgr tùùma, n taas zîis ninsapagba zêngre, pagba yel-segdem kaoolegsê ket n bee.
  - e) N tik Sulla ninsa sên zabd ne pagba zêngr saksa pûse, têmsa pûse, têmsa ne taab sùka; la têns ka tèk yô-kogleg sulla pûse, tà b sên maand zêngr buud fâa ne pagba yell sa.
2. Têmsa taoor dâmba na n tuka wubr tùùm noy soya, n tûnug ne kâbaya kûuni, n maan zâmsgo, n kô nimbuida vêneem tà tekr zînd ne neba sên tar tagseg wêensa, rao la pag sùka, b sên minim n và ne yam la manesem sên yaa sâoongo ne pagba, sên na yâl n sa ne kùdemda manesem sên pa sômbe, la manesem a taab fâa neba sên tare, wa rao yâàda paga, pag ya zaalem rao taoore.

### **Gom rulg a 3 soaba : Paga burkînda waoogre**

1. Pag fâa tarayel-segdem, ya, tà b gèlg-a t'a ya ninsaala n da bak-a n bas ye, neba sak n bâng tà pag yaa neda, la a tog n paama koglgo sén zems ne bûmb ninsa fâa a sén segd n paam tà zems ne a vààmâ.
2. Pag fâa tara sor (yel-segdem) ne waoogre, la a paam n soog a meng n tùm n yidgi.
3. Têmsa taoor dâmb na n yâka yam n tùm la b râk noy sén zemse, n tôog n zab n gàdg pagba namsgo, bà manesem fâa sén na n maan n yaal la b ning pag yânde.
4. Têmsa taoor dâmb dàk noor sén zemse, n ning a na-kêndre, sén nan yâl n tôog n kogleg paga yel-segdem; a waoore, la b kogl-a tà ned ra wêg-a n maan-a pâng ye.

### **Gom-rulg a 4 soaba : Pag fâa tara noor n paam n vààmd ne yôore, laafâ la bane**

1. Pag fâa segdame n paam tà b gèlg-a la b waoog-a vààmâ, a burkîndi la menga paam n vààmd ne laafâ. Wêdb buuda fâa, sâbgre, tùùm manesem sén pa sak ne ninsaal bà sén yaand ned buudâ gàdga paga zugu.
2. Têmsa taoor dâmba na yâka yam n râk na-kêndse, n tùm sén na n :
  - a) N râk sari noy la b paas sari wâ noy sén zabd n gàdg keelem tùùm buud fâa pagba wèèngê, n naag lagem-ntaar ne pag tà pa ta-a raab bà ne pânga tà ne a to pa yâ, bà vàùùgê tà neba fâa yâ.
  - b) N râk sari wâ noy, kâdemâ, nimbuiida la paoonga zîisi, bà a taab n ning a na-kêndre, sén na n yâl n keooge, n sâbge, la b menes zêngr fâa b sén maand pagba paoonga la neba vààm ne taaba pùse.
  - c) N bao n bâng yaa bôe yînga tà neba maand keelem tùùmâ pagba zut, la yèl ninsa sén paam pagba dê poore n râk noor sén zemse, n tôog n keoog la b kât keelmâ tùùm maaneg sa zâng fasi.
  - d) N maan laafâ wubr tùùm seglego sén na n tû ne kâbay la zâmsgo n maan tao ne yâgbo tà nebâ fâa bânge, sén na n yâl n menes bûmb ninsa sén be neba sén têeda soaba la rogem-n mika, la kùdemda tùùm manesem pùse, la neba gelg wêensâ tùùm sén kâte, la kengd n paasd bas taalla

tùùmâ, sên kêed ne keelmâ tùùm maaneg pagba zut wèèngê

- e) N sàbgr neb ninsa sên maand pagba keelem tùùma, la b ges n maan tùùmâ sên na yàl tà pùg-kâensâ paam b yel-manegre.
- f) B viglig tùùm zîis la b ràk na-kêndr n kôt neba kàbay wakat fâa. La, pagba ninsa sên paam namsg keelem tùùm wèèngê, bi b sông n maan yel-manegre, la b maan bûmb lebsg yell tùùmd n kô pùg-kâensâ.
- g) N reng n togs neba la b maan gàdgre, n tôdg pùg-koosem tùùma, la b koleg pagbâ, la b yôg neb ninsa sên maand pùg-koosem leebgo, la b tùùn koglg pagb ninsa sên tôe n wa kées b mensâ yel-kânga pùga.
- h) Maan gàdgre, tà logtor yir tàbs baooba tùùm dâmba sên baoood bângr sên kêed ne laafà wâ yelle, ra wa tall paga maan n mak n vààmd bûmb n ges n bâng bûmba sân ya sôma bi a ka sôma, ne pagba, tà pagbâ ka mi a vôor ye, la pa tû ne b raabo, la b pa togs pagba tà b mi mak n gesâ sên na n wa ne yell ninga b vààmâ pùgê ye.
- i) B kô paoong wa ligdi la teed a taaba sên sakd la zemse, sên na n yàl n ning gàdgr la pùg ges tùùmd a na-kêndre, sên na n zab n deng n gàdg tà keelmâ tùùm maaneg pagba zut pâng sa zânga.
- j) N bao n bâng têms ninsa pùg balg-n- kù wâ sên ket beê, b pa kao bi-peelg ma la pag ne pùg soaba bùùd n balg n kù.
- k) La b ges n bao n bâng, na-kêndr ninga sên dàk tà pagba la raopa segd n paam gâasobend sebre tà zem taaba, tà zêngr ra zînd raopa ne pagba sên ya zoetba sùka; la pagba paam koglgo la zâ-sôngo zânga, la b paam têns ka tèk yô-kogleg sull sên get zoetba yel-segdà paang sôngr wèèngê, n paas b sên maand nens sèb ninsâ la sèb a taaba zoetba yînga, paang zems taaba.

### **Gom-rulg a 5 soaba: Sâanga tùùm maanega ne pagba menesgo**

Têmsa taoor dâmb gàdgdamé, la b zabda sâang buud fâa maanego, sên na n sâam ninsaal yel-segdem wâ, sên kêed ne pagba wèèmgê, la a pa tûud ne têns ka tèk yô-kogleg sull noyâ sên gom n gânege.Têmsa taoor dâmb ràkda noy la gàdgr buud a taaba sên na n yàl n menese, sên yààda fâa tùùmâ a woto buudu :

- a) N yuug n togse, la bWilg ninbuiida fâa tà b bâng tà sâanga tùùm pagba zut pa sôma ne ned ba ye, la kàbaya kûun seglogo la zâmsgo, neba, la sôasg buud a taaba.
- b) N tik tênga sarà n maan no-râkre, n yiis n zabe, la b gâdg ne sâbgr buud fâa kompulig wâ bâonga kâesgo, la manesem a taab la nansaar tâto, bà tâ-sablem maaneg sên na n pogleg bà maan sâangan kô paga pûglem.
- c) Maan sôngr tùùma n kô pagba sên paam zu-loees bâonga kâesg tooga wèèngê.
- d) N maaneg koglg tùùmde, n kô pagb ninsa sên tôle n wa n paam b vààmâ pûga, sâang la keelem tùùm buud fâa sên na n yôsg n ka tû sore la bas taal kaalem.

### **Gom rulg a 6 soaba: Maryaase**

Têmsa sên maan sarà nug tikri na n modgame tà paga la raoa fâa paam ayel-segdem bûmbu, tà bûmba zem taaba la maryaasa vààmâ pûga, b vààmd wa ned ne a zoa walla tùmd n taaga, b ka yààd taab ye.

Rê wâ têmsa taoor dâmb maanda sarà no-râkr sên zems n gânege:

- a) Maryaas fâa da maane, tà pa tû ne yamleoogo la bas yardo ne taaba ye.
- b) Bipugli maryaas maaneg yùùm sàngda ne piig la a nii.
- c) Neba nongame n maan maryaas ne paga a yembre, b kengda neba pelse rê wêèngê. Paga yel-segdem maryaasa pûg ne a sàda, zaka pûga, a lagem-n-taar pag ne rao wèèngê, bà raoa na n wa dàka pagb a taab n paas yell segd ninga sùka n paam koglgo.
- d) Tà tênga taoor râmb sak n bâng yikâadem sên maane, rêndame tà maryaasa tû sarà wâ nao, maryaasa gùlsame la maan-a-la tênga pânsoaalba taoore.
- e) Raoa ne paga zemsda taab n yâk bâmba kâadem buudu (rao na n vààmda ne pag a yembre bi, la zîig ninga b sên na n naag taab n vààmde).
- f) Pûgpaala tara noor t'a kell n zâ a sondre, bà a reeg a sàda sondre n paase
- g) Pûgpaala taranoor t'a kell n zâ a têng-biilim, walla a reega a sàdâ rênda.
- h) Paga taranoor wa a sàdâ sên kêed kamba têngem-biilim wèèngê, sâ n pa mikame tà tênga tôoda n pa sake, walla tênga yô-koglog zîigê dâmba n pa kô noore.

- i) Paga la raoa naagda taab n kogleg b zaka paoongo, kamba wubr la b lekolle maanego.
- j) Maryaasa pùga, paga tara noort'a paam a toor n paoongo n tall n tùm la a zâ a paoongawa a sén date.

**Gom-rulg a 7 soaba : Paga ne raoa welgr ne taaba, maryasa kaoobo, maryasa viigri**

Têmsa taoor dâmba kéesda b toogo, n ràk noy sén sakde, tà raopa la pagba paoonga pùààr zems taaba, b sâ n wa na welg taaba, walla b kao maryasa, bà maryas viigri. Rê wâ b getame tà :

- a) Raoa la paga welgr ne taaba, maryasa kaoobo la a viigri, yà sarà bù-kaoodba taoore
- b) Paga bà raoa tara noor tà zem taaba tà b kos kâadmâ kaoobo walla a viigri bà a welgr ne taaba.
- c) Sâ n wa mik tà raoa la paga na n welga taaba, bà kâadmâ kaoobo, bà a viigri, paga walla raoa tara noor la b sén segd n maan ne taaba sén kêed ne kamba wèèngê. Sén ya soab fâa, yaa tà kamba bôn-daab paam pidsgu, la yell pakre meng menga.
- d) Raoa la paga welgr ne taaba, bà maryasa viigri, paga la raoa tara noor n pùà b sén paam paoong ninga maryasa pùg tà zems taaba.

**Gom- rulg a 8 soaba : Neb a yiiba zema taab sarà wèèngê.**

Sarà wâ taoore, raopa la pagba segdame n paam b yel-segdem tà zem taaba. La ned kam fâa rà sarà wâ yôodo, la a paam sarà wâ koglgo tà zem taaba. Têmsa taoor dâmb ràkda noy sén zemse, sén na n yàl tà :

- a) Pagba paam sôngre la sarà na-tûuri
- b) Pagba paam sôngr sén yit ne sulla râmba sén be sagsa pùse, tênga sulla, têmsa ne taab sùka la dûnia têmsa fâa la sarà wâ koglgo.
- c) Wubr zîis maanego wa lekoll sén zemse, la zêng sén ka rê, sén yààda fâa pagba yîngâ, n maan sôasga, n wilg ninbuiida fâa paga yel-segdem vôore.
- d) Viglig sull n zâms sulla neba sarà, tà b wa tôog n kât neba taaba bânge, zîiga fâa, nimbuïida zângâ, tà b tôe n ningasarà wâ a na-kêndre, raoa la pag yel-segdà sén zem taab toto.

- e) Tà sarà wâ tùùm zîisê, la tùùm noy sên ningdb sarà wâ a na-kêndr zîis fâa, pagba sôor yà wùsg n zem raopa.
- f) B maneg sarà wâ noy sên zabd ne ninsaal ra zêng a to wâ n paase, n tôle n bâng n koglg paga yel-segdâ wâ.

### **Gom rulg a 9 soaba : Pagba tara noor n maan politik la b kées b toog no-ràkdsa pùse**

1. Têmsâ taoor dâmba segdame n maan tùùma, sên yaa vênege pae, sên na n yàla tà neba fâa naag taab n zâ têngâ, la pagba zînd tênga zâab politik yôneg pûga, tà b sôora ne raopa zem taaba sên tûud ne tùùma, la tênga sarà, la noy a taab sên tôle n koglg tà :
  - a) Pagba naag n maan vot râmba fâa tà zêngr/welgre, ka zînd ye.
  - b) Pagba tôog n zînd la b kées n mensavot râmba tùùma zîis fâa pùse, tà b sôora zem raopa.
  - c) Pagba sôor ta raopa tà b naag taaba n zînd n tùme, la b naagtaab n ning taoor dâmba politika yam tùùm ninsâ, la tênga yidgr tùùma sên n zoe n seglega a na-kêndre.
2. Têmsa taoor dâmb maodame tà pagba kées b toogo, la b zînd no-ràkdsa fâa pùse, hal tà ta.

### **Gom rulg a 10 soaba : Pagbatara noor n vààmd ne laafà**

1. Pagba segdame n paam n vààmd ne bâane, la b tar noor n kées b toog n tùm tà laafà zînd wakat fâa.
2. Têmsa taoor dâmba maanda sarà no-ràkdse, tà pagba tôog n kées b mens wùsgo :
  - a) Wubra tùùma sên kêed ne laafà zînd neba ne taab sùka wakat fâa yînga.
  - b) N dàk na-kênda la tekr tùùma n keooge, n tôog n paas zaba, n maan tà laafà zîndi, tênbôonega la tênbèda pùse, têmsa ne taaba sùka, afirk la dunia fâa pùse.
  - c) N dàk na-kênda tênbôonega pùse, tênbèda la tênbèda ne taaba pùse, Afirk la dûniâ tênbèd a taaba pùse, n ràk noy n /tôog tà koglo zînd ninsaal yînga la a yamvààm tagsga pûga, ninbuiida ne taaba sùka, sarà wâ /bukaooodba zîisê, neb nins sên paam yèl ne b tênga râmb n zoe teem têng n tà solge, neb nins sên zoe zabr yînga, la neb nins sên yik b sên beê n toeem zîiga, sên yààda fâa, pagba.

- d) Na-kênda zînd zîisa fâa n tôog n zâ neb sên be zoetba zîisê, neb sên be zî-solgdsê, sên kot b zîis n na n zîndi, neba b sên dig n lebse, la neb sên yi b sên da be zîig ninga n toeem zîiga, sên yààda fâa, pagba.
  - e) B sên maan tùùm ninsa fâa seglogo n na n maneg me roto, zoetba yînga walla lebs n maneg n me sâams ninsa zabr ne bug-raad sên maan tà looge.
3. Têmsa taoor dâmba ges n râk noy n tùùm n boog sodaasa depâns râmba bilfu, n yaool n dàk ligd kânga n maan tùùm a taab ninbuiida yidgri yînga, sên yààda fâa pagbâ na kêng taoore.

### **Gom rulg 11 soaba : Pagba koglgo bug-raad zabr pûse**

1. Têmsa taoor dâmba yâk n yam n sakn pids b pùlôngo sên kêed ne têmsa ka tèk ninaabl yô-koglgo sull sarà sên get pagba koglgo sôngr yelle, zabr ne bug-raad wakate, ba pagba sên be buud ninga pûga.
2. Têmsa taoor dâmba yâk yam n sak n maan yel-pakr tùùmde, sên kêed ne têmsa ka tèk ninsaal yô-koglgo sull sarà taoore, n naag pagba ne nimbuïda n maan koglgo zabr ne bug-raad wakate, ba pagba sên ya buud ninga.
3. Têmsa taoor dâmba sake, n koglog pagb ninsa sên kot zîig n zîndi, zoetba, b sên dig neb nins n yiis têng pûgê, neb nins sên yik n bas b sên da be zî zîig ninga, tà b ra maan keelem tùùm ye, raopa sên yôg pagba ne keelem, la b maan tà neba bâng tà yâo wâ yaa nin-kùure tùùmde, b râka neb n maan maoongo, nin-buiid kùùbo, nin-bâmba râmba sên maan yel-kègmâ a woto wâ segdame n kêng sarà zîigi.
4. Têmsa taoor dâmba râk noy tà biig ba a ye, sên yààda fâa bipugli wâ yùùm sên pa ta piig la a nii, ra kées b toog zaba pûs ye, tà b ra modg biig ne pâng n kées sodaara ye.

### **Gom-rulg 12 soaba : Lekoll la nug tùùm zâmsgo**

1. Têmsa râk noor buud fâa sên zemse:
  - a) N menes pagba zêngr buud fâa la b maan tà pagba paam zu-noog wa raopa, n paam lekoll wubr la nug tùùm zâmsgo
  - b) Menes pag zêngre, (pag pa fà rao taoore), bala rê kâtame tà b maand welgr pagba zutu, b maan sèba tà pagba paam n tar n karendê

- c) Maan koglg tùùm paga zugu, sên yààd fâa, komkàdsa ne lagem n taara ne pânga la yôgb ne keelem buuda fâa lekols la zîis a taab sên ka rê, la b maan sàbgr n zab ne sâangmanesem a taaba.
  - d) N sông pagb ninsa sabaabwêns sên paam sên kêed ne lagem n taar ne keelem, ne saglese, n ges b yell n sông-b tà lebgn paam b yel-manegre.
  - e) N maan tà neba bâng tà rao ne pag zema taaba, n ning zîig fâa ninsaal yel-segdem wèèngê karenga zâmsga tùùm seglgo, n naag ne karen-saamdâmba zâmsgo.
2. Têmsa taoor dâmba maanda no-ràkdes toor sên na n yàla:
- a) N ges tà pagba paam karen-moore,
  - b) Tà pagba paam zâmsg la wubri karenga zîis pûse, la b sên be zîis ninsa fâa, sên yààd fâa rûnda zâmaana bângr la teknika tùùmâ bângr wèèngê.
  - c) Tà neba sak n kées kompugli wâ lekoll la zâmsg zîis a taab pûse, la b maan tùùma zîis n sông kompugli ninsa sên bas lekolla pînda.

### **Gom- rulg 13 soaba : Nimbuiida koglgo la b paoonga yel-segdem gesgo**

1. Têmsa taoor dâmba râka sarà noy la b maan yel-manesem a taaba sên na n sông pagba tà b paam zu-noog wa raopa, tùùma wèèngê.Sôn tar b tùùma, bi b kât tà b râmba kêng taoor n paase, la b tôe n paam tùùma a taab sên kéesd paoongo. Rê wâ tênga taoor dâmb tùmdame sên na n yàla :
- a) Tà pagba la raopa tùùm paoong zem taaba.
  - b) N maan n tà pagba paam tùùm la b yel-segdem tùùmâ wèèngê wa yaood tà zem raopa,
  - c) n kât ninsaal yam daab ra zînd tùùma baoob wèèngê ne pagba ye, b ra rig pagba tùùm tà pat û sor ye.La b modg tà pagba paam tùùma, maan gâdgr la b zab ne b sên maand modgr lagem n taar ne pagba tùùma zîsê tà pa tû sore, n kô pagba la b sông pagba ne ligdi, sên yààda fâa nug tùùma maaneg zîsê.
  - d) Maan bûmb sên wilgd tà pagba tôe n soog b mens n yâk tùùm ninga b sên dat n maane, la b koglog pagba ne keelem la wêdb tùùma, tùùmda (patôrô) soab sên tôe n maane, la sên kêed ne b yel-segdmâ zugu wa sarà wâ la noya a taab sên mi la b maand koglgo a zugu.

- e) N maan tùùmd n sông pagba nug-tùùma la b tùùma a taaba, sên kêesd paoongo, sên yààda fâa neb ninsa sên tùmdb b mense.
- f) N maan nimbuuid koglg asirânce, pagb ninsa sên maand nug tùùma yînga, la b maan sôasg ne pagba tà b tôog n bâng n gûls yùù n kêes mense.
- g) N yâk yùùm sôore, ned sên tôle n sàng tùùm maanego, n gàdg kamb ninsa sên nan pa paam n ta yùùm kânga t'a soab ra tùm ye, n zab la b maan sàbgr neba ninsa sên wêgd kombôonega tùùmawèèngê, sên yààda fâa kompugli wâ.
- h) Maane, tà zagsa pûse, pagba nus tùùma maaneg n yà sômâ, n tall yôodo n paase.
- i) Nansaar nug tùùm la nug tùùm dâmba zîisi, b yao pagb ninsa sên doge, n kêng vùùsgo, sên deng tà b roge, la b rogem loogr poore,
- j) Raopa la pagba fadaga (êmpo) yaooba zem taaba.
- k) B sàdba la b kamba yînga, bà pagb ninsa sên tùmd n paamd ligdi yaoodo, bà tênga taoor dâmba sak n bâng b yel-segdem la b yôod sên be, sên kêed ne b tùùma rolbo (êndemnite) sên kôt raopa, bà b kô pagba me tà zem taaba.
- l) Tênga taoor dâmb la nug tùùm taoor dâmb tara tùùm pakre, ya tà b segd n bângame, roagdba a yiibapipi yel-pakrsên kêed ne kamba wubr la kamba yêegr wèèngê.
- m) N râk sarà noy zîig fâa n zab ne neba sên maand wêgd pagba zugu walla b mi n kât tà pagba kêer maan lagem-n-taar tùùm filim bà yaoolg tùùma sên ka waoogd pagba burkîndi.

#### **Gom-rulg 14 soaba : Paga laafà la a kamb rogem yel-segdà yell gesgo**

1. Têmsa taoor dâmb n gete, n maan tà neba bâng tà paga segdame n ges a laafà yelle, n naag ne akamba rogem yelle, la a pûglem yèla. A yel-segdmâ la woto :
  - a) A kamb rogem yell gesgo,
  - b) N tôle n yâk a sên na n dog wakate, a kamba sôore, la a yaaga rogem fâa ne a to,
  - c) N tôle n soog a meng n yâka rog-yagr tààm ninga a sên date,

- d) N tōe n koglg a menga, walla b kogleg-a ne taoor bâase, n naag ne sààda wâ bâaga.
  - e) N bâng a sàda la a menga yînga laafà yelle, sén yààd fâa, n taoor bâ-longdem, n paas ne sààda wâ bâaga, sén zems ne têms ka tèk ninsaal yô-koglg sull sari sén mi na-kênda ninsatîiri.
  - f) N paam wubri sén kêed ne rog-yaagra wèèngê.
2. Tênga taoor dâmb maan no-ràkr sén sakde :
- a) Tà pagba paam logtor yir tàbsg tùùm zîisê sén ka zâre, la a ligda zems ne b pânga. N naag ne kâbaya kûuntùuma seglego, n maan wubr la zâmsg sôasg ne pagba, sén yààda fâa, pagb ninsa sén be tênbôonesa pûse.
  - b) N maan sôngr tùùma n kô bipeelsa ne b ma-râmba, b pûsa wakate, la b rogem poore, biiga bîisim yêseng wakat, la b sông tùùm noy ninsa sén zoe n be zîiga pûga n paas tùùm noya kâensa pânga ne bûmb ninsa b sén dat n tall n tùmn tôog yà neere.
  - c) N maan koglg sén kêed ne pagba yel-segdem b kamba rogem wèèngê, sén yààda fâa, b kô noor tà paga yiis pûga, sâ n mikame tà paga roagd n maan lagem n taar ne-a, bà pûga na n wa lebga yell n kô paga, a yam, a yînga, bà a vààm pûga, walla bi-pèèlga zugu.

### **Gom-rulg 15 soaba : Rààb ra wa paoong ye**

Têmsa taoor dâmba getame tà pagba paam b yel-segdem sén kêed ne rà-sôamyâwèèngê, tà zems zânga. Rê yînga, b maanda b sén tōe :

- a)** N ges n sông pagba tà b paam ko-sông n yû, vêenem/bugum, zî-koodse, la b tôog n maand rà-râtem tùùm zîisi.
- b)** N maan kood bîngr zîisi; n paam ndaad koodâ n wat ne n bîngdê tà rààb ra paoog pagba ye.

### **Gom-rulg 16 soaba : Paga tar noor n paam ro-sông n gâande**

Pagatara noor wa raoa n paam zak gâadga sén sômbe, n sakd ne a vààm. Rê yînga, têmsa taoor dâmb sông pagba ne zakse, sén zemse, paga sâ n kêe kâadem walla a ka kê kâadem ye.

### **Gom-rulg 17 soaba : Paga taranoor n paam kùdemda tùùm yèl maaneg sén sômbe zîiga**

1. Pagba taranoor n vààmd kùdemda tùùm yèl maaneg zîisê, la b kées b toogo n tùm n naag n siglig kùdemda politika yam yâkr tùùm zîisa fâa, la a nemsa buud fâa pûse.
2. Têmsa taoor dâmba maanda no-râkdse, n kât tà pagba kées- b mensa n paase, tà kùdemdayam yâkrtùùm yônogo zîis tùùm paam pâng n kêng taoore.

### **Gom-rulg 18 soaba : Pagba taranoor n paam b toor n zî-sôngo**

1. Pagba tara noor n paam zî-sôngo sên sakd- b vààm
2. Têmsa taoor dâmb râkda noy ne tàlae :
  - a) Pagba tôog kées toog zânga nyôgneg tùùma n tôog n zâ, la b koglg weooga, woto me ne têngâonga arzèka zâ-sôngo.
  - b) Maan baoob tùùma, la b kées ligdi, bugma yel-paala, la kâbaya kûun yèl zîisê, la b sak tà pagba tôog n paam n kê zî-kâensa nana nana.
  - c) Koglege, la b sông tà pagba minim paas n kêng taoore sên kêed ne bângra tùùma te-paala têmsa pûse.
  - d) N ges tà sagda bîngri, a zâabo, a wùkre, la a lobr zîig ra yà yaar zaksa la sagsa pûs ye.
  - e) B ges tà sag-toose, ne ninsaal vààmâ bîngr zîig tû la yà sôma, a lobr tû sore.

### **Gom-rulg 19 soaba : Pagba paam yidgr zânga**

Pagba tara noor n paam sên sômb ne bûmb ninsa fâa, n tôog yidg zânga, rê wâ yînga, têmsa taoor dâmba maanda b sên tôle tèka :

- a) N ges n ning pag ne rao zema taaba yella taoor tênga tùùma na-kêndr pûg la tênga yidgri seglogo pûga.
- b) N tôog tà pagba kées b toog wa raopa, bûmba la zîisa fâa, n bao yam tùùm maanegr pûgê, tà dûniâ fâa lebg a yembr sulla yam yâkre sên pa na n wa ne zemsga vaale, la komersa tùùma seglog b sên dat ninga politika a na-kêndre zugu, la sên kêed ne paoonga la ligda zâabo, b tôog n kùùga koeega, n kât pagba kées b toogo zîisa fâa la nemsa fâa, yam yâkre fâa pûga.
- c) Tà pagba paam zî-koods sên wom biisi n sooge, wa têngâonga, la b sông pagba tà b paam n naf ne paoong ninga sên kêed ne b tùùma wèèngê,

- d) N tōog tà pagba paamd sama n dàk n tùme, la b paam nug tùùm zâmsgo, la b bààs b bângre, la b paam tùùm noy sén na n yà sabaab tà neba bângb nug tùùma tén-bôonega la tén-bèda pûse, n sông pagba tà b paam n vààmd và-sôngo, la b mao tà pagba nanga boog zânga.
- e) Tênga taoor dâmba segdame n bâng la b gelg ninsaal yidgri yelle, pagba wèèngê toor zalle, tênga yidgri politika tùùm seglog pûga.
- f) N ges tà dûnia sull bèda la politika yam yâkr tùùm sén kêed ne leebga la tênga paoong la a arzèka zâab tùùm yôgnega yà sabaab n sông pagba.

### **Gom-rulg a 20 : Pùg-kôapa yel-segdà**

Têmsa taoor dâmba ràkda noor sén zemse, n ning bôn-kâensa a na-kêndre, n tōog n ges tà pùgkôapa paam ninsaal yel-segdà fâa, b vààma pûsê:

- a) Ned pa segd n maan pùgkôorwêengsén ka sakd ne ninsaal buuda fâa ye, bà yaal-a ye, la b sâam a burkînda ye.
- b) A sàda kûum poore, pùgkôor lebga a kamba yel-gèta, sâ n ka mikame tà rê ka na n tû ne kamba vààm yidgri.
- c) Pùgkôor taranoor, n lebg n maan maryas ne a yam raoa.

### **Gom-rulg 21 soaba : Paga sàda paoonga wèèngê**

1. Sàda paoonga pûga, Pùgkôor taranoorn paam sàda paoonga pûga, bûmbu, paga tara noor t'a kell n pa a sàda zakê n vààmd ba maryasa maaneg sén yà a soab toto fâa. A sâ n lebg maana maryas ne raoa a to, a ket n taranoor n soog zaka, sâ n mikame tà zaka ya a rênda, walla pùààra pûga, b kô-a la zakâ.
2. Pagba taranoorn paam a roagdba rogem-n pùààr wa komdibili wâ.

### **Gom-rulg 22 soaba : Pùgyâansa paam koglg toor zânga**

Têmsa taoor dâmb sak n kées b toogo:

- a) N ges n koglg pùgyâanse; la b ràk noor toore, sén kêed ne b yînga bôndaabo, ligdi, teedo, tùùma la b paamnug tùùmâ n zâmse.
- b) N Maan koglg tùùmde, n kogleg pùgyâansâ ne neba sén tôe n maan keelem, walla pânga tùùma, n modg-b n maan pùgyôgre, la zéngr sén kêed ne kasemba wèèngê. La b maan tà waoogr zîndi n kô kom-kasemsâ.

## **Gom-rulg a 23 soaba : Têmsa taoor dâmb ges n n maan koglg toor zall koms râmba yînga.**

Têmsâ sên be sarda pûga yâkda yam n kées b toogo:

- a) N dàk noor n ges n koglg pagb ninsa sên ya koms râmba tà b paam b yînga bôndatem, ligdi, teedo la b paam n tôog n vâàmd ne nimbuïida, la a taaba, n sông tà b paam tùùm faag-faaga, la nug tùùm zâmsgo, la b tôog n kées b toog norâkdes pûse.
- b) N ges tà koms râmba paam koglgo ne keelem tùùma, la lagem-n taar sên tû ne modgre, la zêngr sên tû ne pagba komslma yînga, la neba nane-ba, la b me paama b yel-segdâ.

## **Gom-rulg 24 soaba : Kogleg tùùmd toor zall pagba sâ n be sû-sâans pûse**

**Têmsâ sên be sarda pûga yâkda yam n kées b toogo :**

- a) N ges tà pagba ninsa nug sên pa zâada, la pagb sên tùmd n zâad zakse, laneba sên pa get pagb ninsa yell tà b vâ nimbâaneg pûg wâ paam koglgo. La b maan na-kêndr tà pagba paam b yel-segdâ sên kêed ne b yînga, paoongo la b vâàmâ ne nimbuïida wèèngê.
- b) N koglg pag ne pûga, la kompeeles ma-râmba sên be bâens rotê, tà b tôog n ges b yel-segdâ wâ yelle sôama, la b paam zî-sôngo bâens- rot wâ n vâàmde.

## **Gom-rulg 25 soaba : Yel manegre**

Têmsâ sên be sarda pûga yâkda yam n kées b toogo:

- a) N ges n maan koglg la yel-manegr tùùm sên zemse, n kô pag fâa tà b ra maan wêdb a yel-segdâ la a soog-m-menga zugu ye, wa sarda sebre sên gom n gânege.
- b) N ges tà yel-manegr a woto buud n yi sari wâ pân-soaalba nengê, kâdemsa taoor dâmba, la sarà zîigê walla pân-soaalba a taab sên tar pân-tôog sên be, la a yit tênga têng kugrâ pûga.